



保閒堂集卷第十二

虞山趙士春景之著

男延先孫男廷珪校

蓬客詩草上

春雪鎖春花次凡仙題韻四首

有序

江上又約沈子術解玄微理叅要渺倖邀良
晤獲領真詮偶爾扶凡別彰竒遘乘廻風而
入座指飛雪以命題自署散花之神言稱浣
紗之女悠悠滄海余方抱吳苑新愁皎皎青
娥爾猶憶越溪故步詩同四韻事隔千秋矧



夫隱几南棊何羨翔鸞西子聊存唱和匪逐
怪迂時已亥二月春分前三日也

遲日園林欲試粧晚來密雪下羣芳梅花未盡楊花
滿春力無多酒力當柳葉帶顰生壓倒海棠含笑故
遮藏東風爲掃陰凝氣還我山家錦繡庄

陌上和風已弄粧豈知天意妬尋芳玉龍乍散千鱗
舞海燕難將弱羽當盡盼烟花三月豔倩誰簾幙一
宵藏道人不慣看紅紫遍指梨雲野外庄

庭前幾樹豔陽粧漠漠同雲嬾吐芳蜂蝶有情三舍
退瑤瑤無數一枝當踏青思冷圍爐飲綺席人寒繡
戶藏共道韶光殊未老暫時積素擁山庄

東皇百計鬪新粧撩亂霜華截衆芳猶幸梅殘拚索
寞可堪竹壓更郎當簷前燕阻雕梁信天外鶯歸煖
谷藏笑語枝頭休苦凍融風流去遶村庄

原唱詩附

園林遍處斂紅粧幾度尋芳不見芳燕子已知春
有力花神猶怯冷難當隋宮粉氣凝寒重梁苑霜
華帶豔藏爲問桃源迷洞口僅留鶴跡滿山庄

又口占一絕兼贈

漫空六出亂如絲
杏豔桃穠困後時
恰似苧蘿芳草日
空江茅屋閉西施

兩度土已再次
乚仙題韻二首

晴川被袂去如流
天與佳辰疊勝遊
草色淺深迎埒馬
柳陰濃淡拂粧樓
西園花藥重重放
南陌歌聲緩緩收
兩度踏青原上客
料無春恨挂心頭

蘭亭脩禊事隨流
却喜今晨倍昔遊
晴陌踏來頻貫酒
亂紅尋遍再登樓
多情啼鳥嬌難盡
儘意游絲漾

未收風雨妬春春
自永肯拋觴咏坐搔頭

原唱詩附

池蘭清淺帶溫流
催動遊人逐勝遊
無數才華馳玉勒
幾多情思倚紅樓
永和景物憑添換
曲水家風未散收
何意陽春原可繫
不將花色老枝頭

晴風生拂水次
乚仙韻二首

山巔風色弄晴和
不數人間景物多
驅轉玉龍回古澗
碎霏瓊液灑雲蘿
驚看巖溜飄千點
恐有仙鯨溯九河
天外羽人來瀑布
定然評賞爛樵柯

迴飈恰喜颺春和
倒汲奔泉百尺多
映日似虹明過
練隔烟如雪漫
遮蘿山開斷峽
飛零雨石濺驚
湍卷
素波應是洞門
琪樹在故將飄
灑到喬柯

六句改
一韻

原唱詩附

天爲遊人展太和
尋春春在好風多
山櫻帶濕垂
松磴海燕分波下
鳶蘿暖日半空飛
素練明珠無
數捲銀河登臨未
厭難回首事到忘
機已爛柯

牡丹二首

閒庭寂寂送春期
賴有花王第一姿
暈臉乍逢誇絕

艷低頭如恨說
相思名花傾國金
鑾賦紫陌紅芳玉
勒時惆悵欄邊尋
往事漫拈枯管與
題詩

爛熳風光未有涯
朝來國色正妍華
名園帶露疑酣
酒錦幙籠香欲變
霞千瓣自殊籬落
態一叢堪壓貴
豪家他時得做神
遊客可要瓊花要
洛花

偶過湖田僧舍因贈兼謝損貺二首

選佛場中尚少年
獨餘俊氣住林泉
編成貝葉宗留
眼詠就梅花句有
玄何處鉢囊爭踞
地幾家鼻孔漫
撩天師今避席非
無意山色溪聲總
熾然

每瞻龍象媿逢迎豈意翻蒙法施并鹿苑別來知幾
劫鷗羣逢處認三生詩吟白雪和鐘梵樓倚青山作
證盟若道機鋒還有在老人夢穩不須驚

芍藥

舊與花王託後塵試將題品謝花神輸他滿月十分
豔贏得迎風一段顰列屋態妍宮樣好翻塔香裛露
華新茆堂莫道無千朶白白紅紅也未貧

時族姪餉
數本置保

閒堂
中

練川澈如子陳義扶以秋仲公車北上次仙壇

祖師韻送之

聞君北上整賢冠重念鷗盟未可寒闔苑交梨秋後
熟天街紅杏月中看九仙有骨聲名舊三策如虹氣
象千專待黃花傳好信故山猿鶴報平安

玉峯仙壇祖師有贈言敬次韻一律

道人歸去一扁舟回首僊壇篆未收天地恩深難作
別妻孥念冷欲還留三山夢繞隨黃鶴萬里心期共
白鷗捧得師傳真訣在霓旌時盼海東頭

附贈章

潮上風生盪去舟玉山空宿雨難收眼穿恨有長
林隔腸斷慚無短句留卜讖不知誰跨鶴論心堪
許共盟鷗莫言繭老蠶絲盡相送白雲無聚頭

答玉峯澄中子李賓侯再次前韻

閒心灰盡聽虛舟慚荷真盟許見收一席開襟知道
在連宵刻燭爲情留行看飛鳥翔威鳳忍把衰容逐
浪鷗只恐着鞭先我去青童作伴玉山頭

答玉峯鴻初子陳天侯再次前韻

琅函久闕似藏舟密諦憑君慧眼收喜借風前談夙
昔不教霞際訣空留高才避世須金馬老子觀身直
野鷗少俟玄珠呈罔象掃門還乞大丹頭

楚中艾僊梅世丈見訪漫贈一律

艾之曾王父
諱穆同先文

毅疏劫江
陵者也

抗疏光青史五賢名到今相逢談往事忽省負初心
遠客愁長日貧家乏淺斟岳陽千里目寄爾一霑襟
嘉靖間錢光祿因倭變殉難今已亥論塋有鶴
巢生鶴之祥適其裔孫孺京金吾母夫人七十
以詩徵和次韻答之

啼鵲重化鶴雛來家國情深兩樣裁人世已悲陵谷
換松筠猶對雪霜開鉤陳衛罷思天仗婺女星明戲
老萊痛我羽毛零落在欲隨飛去白雲堆

壽李母瞿孺人八十

先師緝夫諱胤熙醇儒篤
學不克伸志子象璧崇禎

已卯舉于鄉
年餘遽卒

膺門拂席記成童每痛人琴再世中南國有文歸逝
水北堂無恙滿春風數枝蘭玉堪娛老一室冰霜久
御窮令伯何年陳上壽舉杯吾欲問蒼穹

仲冬望前三日偕道侶謁拂水玄天祠坐磐石

上待之

連宵飛夢到玄都却媿衰羸拄杖扶嬾向山頭朝北
帝聊從樹底望南湖蒲團藉草無人問布褐遮風任
鳥呼坐久息深君莫怪寒巖枯木是吾徒

已亥生日

歲行在已亥六旬始得一三春下仙鸞光景未可詰
炎夏海波騰避地空吾室飛颿指臺城樓船幾千翼
羽檄旦暮馳勢若長鯨吸空拳冒白刃沉涵自喪律
壯士化爲魚白馬波間立有同汨羅沉還似精衛泣

金焦收霧濛鐵甕隨煙熄而我聊偷安震驚幸弗及
秋中反敝廬朝脯苦不給有子來關中倦游脫纏纏
有客來湖上辯舌傾琅笈年來提一心萬事宗太極
所恨玄理岐究竟知何得卜之羲文爻嘉遯明消息
放形天壤間結茅湖山側但恐春風吹流年如鳥疾
我生命在天順時飛與螫豁開胸浩浩焉能心悒悒

庚子新正書懷二首

華年長爲老人留

此句反劉
誠意語

仰面看天未易酬抖擻

一心期自獻委蛇萬象與同遊雪香破點梅將綻寒

綠生痕草漸抽人事豈無消息在鶯花且復聽悠悠
幾年寂寞向蒲團氣餒無能救老殘天上煙霞難得
到人間風景又重看八千紀筭心猶在十七書年淚
未乾準備春深游歷去野裝雲水訪驂鸞

九月中謁呂貞九道人於妙高峯有冬至談玄
之約忽聞遠適悵然成三絕句

逢師許我一年功驀地乘鸞去碧空豈是凡流難度
世不禁揮淚向天風

問道峯頭纔片時空留半訣繫人思入園且作忙修

煉十月辛勤報爾知

潔志尋真二十年
蹉跎讓却祖生鞭
從今更覓蓬萊路
萬壑千巖拄杖邊

容城胡信山携示椒山白沙兩先生真蹟因贈

一律

故家情事痛沉淪
袖裏銀鈎字字新
直節遠同斬馬劍
清吟重見舞雩春
昇平人物真千古
喪亂忠貞又幾人

椒山卷中附石齋諸君子手筆

頭白遼民仰
止在煩君傳示到

江濱

吾廬

天假韶光事事新
吾廬還是舊清貧
短檠照席華燈夜
細草生堦陋巷春
蓬室但瞻鸞鶴像
木瓢宜醉褐冠人
勸君不用誇奇勝
金谷千年總是塵

次子北行老懷耽靜
不能作詩書採桑子四調
付之

別離幾許縈懷抱
遠道風塵一語殷
勤暮宿朝餐惜此身
孫枝已見芝蘭秀
好解離情莫歎參辰遠
水吳山只比鄰

傳家漫說簪纓舊百畝汗邪四壁生涯那有金錢學
富家 修身種德前賢語天鑒無差動忍增加定有
金雞出使車

此生補救何時了明哲居先險阻盈前步步猶弓涉

大川

慎動所以安身卽所以安老親矣

更須藥餌調和早酒到休澁

馬健休鞭佇汝音書報萬全

吳秦踏遍空囊在半載之間會面何慳祇爲衰羸久
閉關 從今兩地同珍重老學癡頑寄語兒環要看
相隨竹馬還

沈仲畹廣文訪辟穀道人于小桃源傳示道人
七言一章因次韻題贈二首道人卽呂貞九余
與仲畹俱受教修真云

花源一閉事長幽卜築依然集勝流冷辦閒心銷漢
魏鍊成真骨換春秋尊鱸漫說鋪千頃杞菊何勞薦
數甌我媿俗腸腥腐在願因漁父覓仙遊

吳關西去野塘幽地僻真堪學漱流西子廊空鐘鼓

夕

前對靈巖山有西施響屐廊遺跡時重修梵刹甚整

毛公壇近水雲秋

洞庭西山

有古仙

已知飯罷青精餽不羨香生綠蟻甌休向淵

毛公壇

明重索句瑤華今得遲吾遊

前之弟有贈次子之詩和韻一首

壯子分携別緒牽重吟佳句倍堪憐
河橋去路逢征鴈遼海歸心指杜鵑
天闊幾時真解網情親不惜爲
扶顛老人破涕加餐飯盼得萊衣歲歲鮮

登莫釐峯

昔聞震澤名茲焉理輕舳莫釐踞其巔
聊放千里目是時秋氣嚴不見鳧鷖浴
但指遙天波忽忘塵土蹙山中好結廬
橙黃與橘綠吾欲擁琅函憇此湖山麓

惜哉誅茆心難謀素封族

東山多素封家其通玄旨談故實者僅見耳

望縹緲峯

夙昔訪名山老至因屏跡偶來洞庭東
西望縹緲接一葦願從之徘徊阻風伯
顧予抱微志道成始游歷乘雲禮古壇
入石搜丹液庶扣靈威居無使混茫隔

林屋洞深處鐫隔凡二字游人至此無復入路

不學探竒子徒自浮空碧

前之弟六十初度自敘十章歷溯艱虞用白志
節難老之慶具卜于斯余久靜廢吟不遑繼組
漫書二律以代祝言

葑榜名成事幾遷對牀燈火尚依然赤麋青犢君無
玷白簡黃麻我浪傳世難各羅三折痛時情誰放兩
翁全祇今天定還如此好共鷗盟到百年

年來不獨念吾衰滿眼春風歎子遺鄉里少游成底

事田園陶令困長饑倉中玉粒千僧供

弟以誕日飯
僧禪林凡幾

處案上金科十載持

弟于十二年來
有功過日錄

美爾遺民能濟

物壺觴相勸弄孫枝

梁溪鄒子輯啓禎野乘劉侍講傳中載予劾武

陵疏自嘲一絕句

憑君野史光千古顧我狂言直偶然慚媿餘生無事

業青編聊傍故人傳

前與南屏和尚札云百千公案恐是空中樓閣

恐之一字致相徵詰再以一絕報之

千里江流已到家枉勞關吏斷津涯燕南粵北堂堂

在羞向人前覓路叉

題朱節之小像

幅巾住市名同俠精舍居山行是儒他日浮舟尋洞
府十漿還作主人無

保閒堂集卷第十二

保閒堂集卷第十三

虞山趙士春景之著

男延先孫男廷珪校

蓬客詩草中

甲辰中秋夜二首

村廬獨對中秋月屈指於今十六年

戊子事中有尤墩村庄過中秋

孤坐恰同今夕閱過驚波如夢裏留殘衰鬢又花前幾多桂

影排佳客無限香風當夕筵蔬酌一杯還晏坐此心

欣與月同圓

寂寞逢秋意已清况兼花月巧相併喚回鼻觀濃香

繞灑滌心竟皓魄明門外瓊田期鶴到庭中水荇見
花橫直疑坐擁紅黃氣併化飛雲上玉京

道書云坐
三色雲氣

之中上
昇天宮

十五十六晴空徹旦數年來所未見因再賦一

律

秋月看來無限情今宵別是一番盈掃空雲霧歸何
處掩盡星河獨自明人語三更誇激灑天心一夕試
澄清可憐相對漫漫夜長倩冰輪伴我行

觀新婚

家室團圓初聚頭悲歡從此不知休道人自種頭陀
行誓不將身更入流

偶次祖師韻四絕句

腹內嬰兒養未成敢于世故別牽情
了閒看驪珠上下行

腹內嬰兒養未成凜如執玉有深情
住莫遣陰魔擾亂行

腹內嬰兒養未成箇中消息稍知情
是只向真空路上行

腹內嬰兒養未成色空空色豈容情真形欲聚渾難
聚且作深深海底行

二蘇

客從中州來云展二蘇墳前年椎埋輩發視無遺塵
去我六百載骨肉反其真頗疑天壤間曾否有斯人
起坐讀其書笑談如有情立言固不朽燦若丹青陳
可憐東坡老不捨西方因黃門蚤有悟搖鼻公案禪學晚
彌精神理竟何在空留紙上痕故應性海內萬古賢
哲存形骸等泡散姓氏安足論爲報含毫子無營身

後名

悼丹陽子

道人舐犢竟何功恩愛魔纏總是空爲報吾儕堅忍

力免教仙骨被塵蒙

丹陽顧子棄家學道九年矣久寓乾元宮乃爲伊子家事奔走

而沒傷哉

追悼殤兒兩絕句

乙巳十月朔火葬于桃源澗祖塋

十年荒草認吾兒土汨塵蒙變滅時瀕死老人心未

死他年還欲寫哀詞

重遷汝骨到高原祇爲同埋有母言寒食一杯誰是

主老人揮涕乞諸孫

道友王開之有華山之行書此寄慨

向禽有志在童年豈料他人得我先玉女池頭勞夢

寐青柯坪上幾風煙雲臺願事三峯客宋太祖與陳圖南詩日總

把三峯羽谷還尋入洞僊呂祖密隱華峯羽谷四十年餘終竟結茆

賜與君期此地憑君為我掃山巔

乙巳仲冬朔日入室口號

門外草深甘避世甌中塵滿也由天逢人只了寒暄

語遇物惟留粥飯緣長向圖南存有物全憑寂滅透

無邊一朝煉得形神就始信先生解放顛

挽趙樸庵

寒江一葦

樸庵所集丹書

竟無功豈為容成道鮮終真訣故

人無復在遠遊心事與誰同舊嫌萊海山形淺今覺

東州岱色空猶有匡廬井太華不妨瀟灑任飛蓬

讀名山游記三首

看盡人間返玉京此生有願幾時盈偶披野屐名山

志頓覺茅簷爽氣橫天外畫圖排紫翠雲中鸞鶴歎

崢嶸何堪老大徒羈束拄杖祈君贈兩莖

遠尋太華下衡湘瑤草金庭一樣芳禹跡開時留洞
府秦人隱處鎖仙庄謝他三境神霄主畀我千年雲
水鄉實行真功何日了儘將朝暮對山光

誰能與世間行藏夢到溪山也激昂滿界煙霞貧亦
足同羣魚鳥老相忘蒲團入夜依僧定村店逢酤惱
客狂屈指聚糧應早計垂頭無語守丹房

內丹爲入
山之糧胎

仙不成未可
卜遠遊也

歲暮感懷

歲行暮矣吾何求身世迴環卒未休頭上有天思自

獻眼前無物不同遊道逢猛虎方添翼泣見枯魚盡
納溝耿耿此心何所補負暄慙擁木棉裘

次子之行兩兒一孫會餞保閒堂中書示二首
聞瀋陽西門老僧辟穀數年日行五百里無絲
受教不勝企想故次章及之

貧居斷足音扣戶有三子汝歸能幾時又將適遼水
起看庭中花枝頭白璀璨命觴集諸昆笑言竟日晷
中坐三歎息念汝走千里薄俗輕故侯徵求到骨髓
去住盡窮途何以贈行李古來百鍊人垂頭忍瘡痕

豈不飢與寒命也固如此努力敬爾身福善天可恃
莫便唱陽關故人今在彼同事孫赤崖勗汝鳴鳩篇柴門
旦暮倚

學道二十年夢想在黃綺冠褐頻造門所遇無魁磊
豈意遼瀋間方袍隱竒士面壁斷三蟲神足輕千里
懸知少室禪妙合猶龍氏伏烝舊嘗聞御風誰能礙
我老不克從跼踖守吳市囑汝遠征人殷勤叩微旨
汝雖鬢未斑失足墮泥滓名場昨已非道緣今則是
傳我山中言言尋圯下履辨香肯見留素書行可埃

寄贈張稗恭中翰

早聞秦地有鄒枚禁署會書尺一來溪墨煙雲連華
嶽搯觚風韻自章臺交情在昔同關塞涸轍煩公爲
解推此去維揚陪展齒可憐春鴈苦相催

門人秦君晉六十

每憶荒齋理斷編抵今相對各華顛一經講授君長
困百歲衰榮我變遷寂寂難呼樽酒共依依時過草
堂前詩囊筆陣堪娛老携手還尋物外詮

遣懷

久將恩怨付東流別自狂歌別自愁無國可憂長咄
咄有身粗健浪悠悠昂頭鶴駕千山遠閉眼芝田午
夜留腐鼠勞君相恐嚇道人心事百般休

苦熱二首

老病畏炎熱銷之苦無策前年堆案書去歲臨池筆
今茲兩不能獨坐空兀兀赤脚踏層氷路遠不可陟
側聆靜者言微塵散白骨形骸既消解溽暑安所客
又聞月光童清水滿丈室悟此雙觀門北窓聊偃息
北窓旣種竹南軒復栽梧連年思避暑畜艾有良圖

竹存梧竟萎遂令此計疎人事不可料草木爾何辜
炎風日正午大地成陽爐燄燄火消膏毒虐窮肌膚
吾讀五千文靜勝理不誣庶云純氣守大旱無焦枯

修心

老將儒釋一龕居慙媿塵情未破除昨夜故人來入
夢冷思前事滅無餘胸懷豈用爭蠻觸眼界何妨任
馬驢記取修心心淨盡逢場莫忘轉頭虛

觀劇

當場聊付一胡盧燈火樓臺事已無何似茅齋尋宴

寂身心夜夜入冰壺

道室自警十二首 六言

釋氏妙明常住孔門無欲依仁三教何曾角立同名
不死谷神 本源

簡點閒身寡過措磨心地常明無處追陪濂洛他年
持獻玉京 身心

盡艷朱門鼎貴可憐黑業俱高鬼面場中喝采隙駒
隊裏稱豪 破俗

了心何如玩世強志自可敵貧便到囊空餅罄依然

養性全真 釋累

已令神巫影失何須問字車迴收拾書生習氣儘拋

筆硯塵埃 省事

血少那縈思慮脾衰不耐羶腥康濟一身內事也須

業業兢兢 謹疾

身似流萍住泊心如野鶴飄蕭離合悲歡何限幻人

幻事相遭 淡緣

淚落啼號世界冤傷過去君親不是道成普濟如何

報答幽明 發願

殺盜淫纏三業貪嗔癡悞一生失足永沉坑谷舉頭
常凜神明 戒律

功在降心不動行唯克己無私室內朝朝勘驗塔前
夜夜陳詞 功行

敢謂長生可學祇應誓死相從一任十魔九難此身
交付天公 魔難

下士有聞幸矣此身未度危哉君看千秋人物誰能
一息重來 痛哭

又一首

志士寧甘鬼錄生機要煉死關三載身心寂寂一瓢
天地閒閒

次韻道友邨山弔古

昔日衣冠此地遊揭來憑弔幾人留醉吟池上浮雲
散安樂窩邊野草秋雒水聲傳陵谷恨邨山煙鎖古
今愁羨君獨向長空笑竹杖芒鞋歸去休

題不取和尚贊後一絕句

歲戊子余年五十從維摩山行遇一擔水僧
問之知爲天童得法不取師也隻身住靜廬

幾古之茅屋三間神光一道者今丙午師山
居如故而余忽忽近七十矣徒瞻鳥道之窠
未採鹿門之藥爰題小像爲之悵然
拈椎豎拂都無用運水搬柴只自閒堪歎塵中頭白
盡青山咫尺不知還

預擬辭家放言

姓是月名是日虞山琴水是吾宅年過七十須浪跡
浪跡去真快活不學呂貞九建醮開壇多趨趨不學
王崑陽領徒說戒相徵逐只向山之巔水之澳坐石

松風廻藉草花香撲武夷溪深無沍寒太華峯高少
炎燠幔亭雲文仙谷散策上丹崖布袍隱白屋掀髯
一笑天地空何事妻孥長齷齪妻孥視我本陳人我
自將身等囚枯亟磨慧劍斬情絲好去摩天駕鴻鵠
觀禮梁懺悟狗子無佛性話

我若無心你亦休百千罪垢盡東流趙州一字懺摩
訣不向梁皇句裏求

雖然識破夢中人啼笑從頭法法真自懺懺人何日
了中宵梵唱正堪親

玉峯鸞筆傳示云丁未元旦上帝降察人間因
次其韻

曉來雲物不生風道是虛皇降九重滿界煙光浮紫
氣一輪日馭半瞳矐仙官夾侍龍旂下河嶽來朝輦
路中欲採民艱陳帝座不知天聽竟何從

子評家占星者言予七十三歲流年阻滯書此

謝之

任運何知七十三五行消息不須參
竟傷世事生多苦身戀年光死未甘
煉氣已應宗老氏修心聊用學

瞿曇從今好作騰騰去送老煙霞住一菴

偶題

廿載浮沉落夢中誤隨兒女問青紅
書翻故國千行淚身剩空齋一病翁
聖主騎龍霄漢在忠冤杖劍日
星同殘年寂寂聊紆媿他日朝天路不窮

保閒堂集卷第十三

保開堂集卷第十四

虞山趙士春景之著

男延先孫男廷珪校

蓬客詩草下

江右劉安士過訪話舊次韻一首

同年劉晉卿子

契濶存亡不可尋一宵如夢得披襟君家殉國光千古老我酬知只寸心挂劍每懷追曩昔班荆有約更從今報君莫作衰遲看禪榻工夫夜夜深

讀晉卿集中句云當時為問蒲團上一念何緣

到駟車賦此吊之

猶記春風擁駟車泰階光景忽無餘可憐白羽勤王
後無復青山躡屐初灑血詩成皆痛哭出師身死漫
歛歛知公別却蒲團去長侍先皇上碧虛

蜀葵花

草玄亭砌絕堪嗟賴爾戎葵歲歲花萬朶輝煌供老
眼千枝幢節到貧家海榴作伴裝三徑粉蝶交飛鬧
兩衙珍重朱明須愛護莫同蒿艾委泥沙

讀書

閉眼深存臍下氣讀書白盡嘴邊鬚請君試問書中

客萬卷能留一息無

日因觀書動心閏月二十二夜通宵輾轉不寐
晨起輟讀書此自警

識字神仙那可求

天上無不識字神仙

苦將黃卷自爲讎束書

擬借秦王火學道拚沉項羽舟三百日功勤劄記

出破

迷歌幾千年樂慢嬉遊

辛勤三五載快樂幾千秋

囑君除却蒲團外

自在經行自在休

重午

少年絕喜是端陽取次筵開煮酒嘗醉眼薰風看造

化晚窓高枕夢羲皇魚龍棹舞晴郊外艾虎釵搖錦
瑟傍今日衰遲俱寂寞清齋地臘坐焚香

王開之七十

美君七十意飄然拄杖逍遙不計年華嶽舊遊頻入
夢玉山新隱漫隨緣霜華久向天庭煉丹訣無勞地
肺傳莫歎五窮工作祟幾人富貴得神仙

茅山全真
講道玉峯

君獨未
領其傳

讀劍南集偶題

白首詩豪誰似翁鏡湖風月在胸中高才不入江西

社傑句時追儋耳公道訣已從仙笈受權門真與海

鷗同

放翁先世傳施肩吾先生三住銘蓋學
道人也南園二記豈依附權門者乎

遠遊我

亦平生願會渡錢塘訪舊宮

又題二絕句

有序

放翁七十八歲時有鏡湖中蓮華博士之夢

瀕死復夢之豈水仙乎或亦鬼仙流也至八

十二乙丑歲夜坐目光照室踰三載而歿前

人謂學道無成詩酒累之非也攷渭南集中

落職謝表云仰慙鴻造下媿公言強起僅逾

于數月退歸又閱于六年此表應在八十四
歲戊辰年侂冑旣誅本傳所謂見譏清議定
有一番推敲故奉處分讀戊辰詩雖曠懷如
昔亦間出憤語盛名之下議及晚節豈無耿
耿于中者乎

老來不減閒情好死去猶餘仙品高一齋能該三住
旨故知詩酒未應豪

國論人言不可湔放翁無乃傷其天何如蚤向深山
去魚鳥相看總浩然

臘盡偶題

簾外春光滿眼來欲將笑口與徘徊蒲團喚我忙歸
去腹內嬰兒養正孩

迎春詩十首

有序

丁未臘月下澣之三日爲立春節邑有效樂
天韻作迎春詩者多指官府豪門而言竊謂
韶光滿界豈私貴人卽士女喧闐曷窮勝槩
因爲推演十章聊寫幽懷匪爭妍唱

何處迎春好春生故國家夢竟心繚繞世事眼昏花

歲久悲天步年新憶帝車遙憐御溝水冰泮縠紋斜
何處迎春好春生逋賦家鞭笞痕到骨狼籍血成花
試踏青郊路言觀墨綬車土牛真暫假相顧涕橫斜
何處迎春好春生罷宦家庭閒棲凍雀臘盡見殘花
醜妓驅前隊村儼擁後車莫將輕薄覷曾壓帽簷斜
何處迎春好春生陋巷家御冬裁絮帽守歲釘萱花
未受新頒曆長懸舊賜車寒梅相共語待爾數枝斜
何處迎春好春生獻壽家兒筵娛綵服婦饋進椒花
甘老狂生室誰邀長者車東郊歌管隊高唱柳枝斜

見輩以新正爲
予七旬祝壽

何處迎春好春生課子家青箱雖輟講塾師解館綵筆自

生花呵凍攻三策分燈讀五車杏園花信邇佇看馬

蹄斜

何處迎春好春生田舍家野晴俄改色土煖不論花
父老占雲氣兒孫駕犢車條風欣解凍流水小橋斜
何處迎春好春生市店家釀金輪縣稅宿釀待風花
賃閣懸珠箔爭塗走鈿車啼粧看墮馬游女挿貂斜
何處迎春好春生梵士家飯香陳淨供幡影散天花

收拾千家鉢推回甌石車三峯僧每歲十二月入城以小車駕大鉢沿門募米
安排思祝聖縷縷篆煙斜

何處迎春好春生羽客家青陽方秉令碧樹漸敷花
測氣堪回黍朝元那用車尋山還候暖拄杖出門斜

牧雲和尚示和洪覺範竹尊者詩次韻二首洪詩

註云武林崇勝寺後有竹千餘竿中有一竿挺然秀出因以尊者名之

白葦黃茅總欲枯禪心喜對一竿癯舊聞玉板呼開
士今見祇園有丈夫露壓煙籠皆作供水流花發亦
吾徒堂頭爲爾傳公案試聽青青說法無

蒼筤林中老不枯軒然秀出清而癯風流不數七賢
者骨格應欺五大夫于尺影高如領衆一塵情在媿
爲徒期君不拒黃冠客容我披襟嘯詠無

送王石谷遊金陵有序

余家舊藏金臺圖景穠纖巨麗一展卷間如
觀壯武建章之圖元老夢華之錄皇州佳麗
水木清華二百年前觚稜金爵彼都人士之
盛可概見焉今則子山作賦與動江關杜老
悲秋意存蕭瑟臺城打寂寞之潮白門斷藏

鴉之樹雖右丞之宿世詞客恐難點染當年
之勝概耳爰賦一絕聊申贈言

今古秦淮幾變遷畫圖難遡帝京年只應寫出悲秋
意寂寂江山淡淡煙

悼王開之

學道難逢真訣修苦撐殘骨聽更籌

坐睡不倒身當
者十餘年矣

時合向華山死絕勝家鄉土一坵

道號青虬曾
住華山半載

謝索逋者

投分門墻歲月深豈知責券苦相尋舊慙薄德當君

拜今媿空囊負汝金時態那能憐破甑古人曾勸錄
遺簪指困貸粟通家事莫便長忘昔日心

又謝并自嘲一律

酬恩自是平生願老去生涯實可憐畝計新畬纔給
食書無古本足論錢曳裾不到瓜田客點石難尋鶴
背仙傳語親朋還恤我不妨除作後生緣

家居戲詠

老大團團百不宜每因煩惱命如絲水漚眷屬終歸
假石火情緣那用癡喋喋枉勞逢彼怒油油長似看

兒嬉道成會脫樊籠去一笑携筇自有時

已酉冬至除夕自警

七十一翁思自強唯將修道答年光壺中喜種三田
草鏡裏愁添兩鬢霜未入名山終擾擾欲朝金闕尚
茫茫蒲團打併身心事煉得丹成一炷香

書齋

寂寂沍寒天書齋習坐禪家貧禳宿疾身賤換餘年
紅日窓櫺外青山絹素邊悠然擁圖史談笑揖前賢
長孫廷珪成進士志喜

東塗西抹久成灰喜得孫枝再占魁樵客山中棊欲
罷邯鄲枕上夢重來平生不借兒曹熱此日鬪驚遲
暮催紫陌青山各事業遠遊心在莫教頽

三月六日兒子齋中賞牡丹

老大逢春興已闌花時寂寞戀蒲團閒心祇擬尋梨
棗醉眼誰令到牡丹賸喜鄰翁能好事却携衰鬢與
追歡何年乞食嵩陽去魏紫姚黃爛熳看

衰病

衰病形容晝夜催可憐仙路轉悠哉口當對客應常

啞眼遇看山許翹開默默下沉七竅火昏昏中結五行胎若非身外身成就磨鐵如針意未回

庚戌中秋

盡道今宵桂魄圓老懷孤坐轉蕭然俗尼競走鐘魚會醉道喬粧酒肉仙把殘寂寥惟勸影對牀安穩得清眠從今好作雲山計已覺兒孫漸少緣

仲冬六日夜夢成進士歸復應童子試被黜悵
快而覺枕上占此數語自懺

久師齊物意超然可奈前塵昔夢牽得失如環誰起滅悲歡無主自熬煎早知一念隨飛電不逐三生未了緣老大情懷須淨盡莫留慙恨對皇天

壬子歲朝口號

有序

本來無一物不獨禪語爲然無物則無欲仁也無物則無著中也無物則純一不雜誠也天地以無心起化聖賢以無私立事但時時保此無物之體其發之也自然清明廣大公正和平事過之後仍歸無物方寸雖微包涵衆妙匹夫雖賤與天合德矣故曰洗凡心以養天心養氣之學氣母旣成便

做進火退符宋野樵云此退陰便是真空煉形陰
盡入無爲我氣與天氣相通混同交結久久自然
陽氣純故曰退陰氣以接天氣只此心氣便是性
命目今工夫有二一日神馭氣氣煉形一丸陽火
氤氲生意滿乾坤一日氣養神神聚形一點靈光
透出分身成變化形神俱妙庶在是乎然而飛形
之道不可以有爲爲也且做前半截工夫以俟之
耳

枯枝踏罷竟安然

星家謂余辛亥歲天
剋地衝譬鳥踏枯枝

七十年過又

四年頂外驅神終杳渺身中有道妙迴旋凡心洗盡
真心見陰氣銷磨梵氣連心氣與天同一體功成儻
得躡飛仙

家居

學道全憑慧力持如何對境忽成靡家人小過憐他
慙古道今人笑我癡劣性焚和終自受繁言損氣苦
難追會當別却汝曹去乞食降心任所之

立夏後三日挈孫輩及甥出北郭看花薔薇川
鵬俱極爛熳步至洗馬池而返

道人庭戶少栽花拄杖來尋野老家萬朵風前呈醉
靨一叢天上掇紅霞鋪排錦障春常在彷彿丹丘路
未賒我欲卜鄰何處是精廬喜對好山遮

癸丑正月看梅北郊僧舍二首

穠李天桃處處村瓊姿只合在祇園臘前已逗春無
價月下方知花有覓慣送幽香來靜夜每移疎影伴
清樽多情姑射撩人意爲語齋鐘莫掩門

未放郊原百卉菲天公已似厭癡肥數枝閑淡同高
士一段清羸稱羽衣霜幹自留蒼蘚護冰花那用絳
紗圍水邊林下真堪老和靖風流共爾歸

讀友人鴈字詩二絕句

萬里關河來遠渡九霄風露任空遊如何不向冥冥
去却被人間點盡收

乍見一行橫暮靄俄成醉墨散天風饒君搜盡臨摹
句未似他家筆陣雄

窮居無名花薔薇旣闌蜀葵未放而錦葵獨爛
然聊解幽獨故賦之

名同居士帶格竝美人簪愛爾堦前草知余寂寞心

癸丑四月邑生輩輒聯文社因思疇昔復社主
盟實在吳郡旣天如天而維斗死一時同人半
乘箕尾去之三十餘年讀書種子久絕于時乃
以夏虫之見學壽陵之步攀附聲光無乃爲昔
賢所笑耶卽用其韻以志感懷

老夫高卧釣魚船閱世真同逝水然兩部甘陵蝸角
散千家弊帚祖龍煙何人據座稱都講幾地分曹逐
少年回首可憐人物盡也將壇坫竝前賢

癸丑九日同孫子長登鐵拐亭次韻

鸞鶴蹤猶在茱萸節又臨老游隨地勝山意與秋深
潦草壺觴具談諧故舊心杯殘興未已僧院憇微吟

甲寅新正大雪

道人懶極愛高眠忽報冰花遶砌旋無數白雲齊墮
地一般顛氣總瀰天蒼茫已失山河在照耀還如日
月懸珍重東皇相贈意移來瓊樹滿堦前

孫子長示甲寅人日雪中試筆之作次韻

塵心灰盡學無爲剩有閒情管歲時密雪喜占田父
語暗香高咏逸人詩垂垂短鬢同衰白兀兀春游未

老遲人日已過花事近與君重訂踏青期

五月十七雨中書懷

簷溜淙淙五月寒天公有意困衰殘垂頭不入酒人
社閉戶長閒釣客竿楚檄遠傳烽未息吳田新浸雨
難乾老懷身世愁交逼欲向飛仙借羽翰

獨坐

老人孤坐慣蕭然隱几看雲任所便南郭身心齊喪
我淵明形影自參玄僧因多事休前席客不知書嬾
拍肩他日結廬塵外卧只呼猿鶴與周旋

嘲少年

宇內方晏安一朝風塵起中宵起舞彼何人白晝行
剽從茲始里中年少喜談兵兩兩三三繞臂行醪錢
去作雞豚社帶劍常懷狼虎情未聞俠氣雄萬夫已
有囂聲驚列肆伍伯名捕忽到門使者臺前血漬地
我謂諸少年不用苦咨嗟吳中自古號卑濕那有深
山大澤藏龍蛇要離去後專諸死八族四姓皆良家
所貴良家子夙昔聞詩禮豈同椎埋徒吞噬在桑梓
老夫生年值鶚冠苟全性命須泥蟠勸君好做凌煙

閣上丹青客莫弄人間赤白丸

余於仲夏祭友人文云青山白雲胡不早歸竊
自笑夫責人明而責已暗也輒用作首句足成
二律聊以自警云

青山白雲胡不歸却把愁城自合圍藥裹關心因眷
屬雨暘交悶爲凶饑貧思水竹三秋爽老歎親朋一
笑稀何似潔身雲際宿曠然天地共忘機

青山白雲胡不歸長向滄桑閱是非地下知交悲滅
沒日邊名姓看翻飛故將軍面真堪唾新令尹政方

作威何似空山深避地免教俗子肆嘲譏

讀易偶題二絕句

濂洛推尋總未真堯夫知化廼通神孔先生後無消

息湖海他年訪異人

萬曆初有雲南孔先生傳
康節數學見袁了凡書中

白首窮經也可憐漢廷誰問伏生年不如抱膝長松
下閒看羲皇未畫前
列子曰太易者未見氣也用解
太極最明在人身中則谷神似
之

老懷

老矣無能我自知深憑道業與扶持茅茨一榻長孤

坐燈火三更入靜思但得關河通曳杖便攜巾褐去
尋師風雲龍虎渾閒事大笑山頭會有時

煉氣

煉氣難成象藏精自有關壺中差得路霞外好思還
入室千峯遶拖筇萬境閒庶將蕭灑意揮手謝人寰

保閒堂集卷第十四

保閒堂集卷第十五

虞山趙士春景之著

男廷先孫男廷珪校

制科 奏疏

崇禎丁丑廷試策一道

臣對臣聞帝王之臨制天下也必有震耀光大之猷
與斯世赫聲濯靈而天下服聖人之大畧必有綢繆
慎重之思與斯世固本深根而天下服聖人之至計
何謂大畧文德之不廢武功者是也聖明御宇無思
不服靡人不懷而念及於百姓未安四方未靜雖凝

旒端冕而不忘震威耀武之權何謂至計足兵之必先足食者是也神武當幾時和年登家給人足而念及於塞垣實粟幕府輸租雖豫大豐亨而必深三年九年之畫是故足兵者取諸人以天下之力張天下之威無不勝也足食者取諸地以天下之富養天下之兵無不周也兵精而食始可籌是以古者有簡兵之法取其精不取其多騎士材官實足爲捍圍之用而廟堂無耗餉不支之憂食足而兵始可恃是以古者有裕餉之策民不苦兵兵不擾民務農講武善用

其流通之機而舉世無養兵不足之患上古兵農合而不得其分後世兵農分而猶存其合者惟屯田一事斯上聖之深謀奕世之良法也講求興舉以圖安攘鞏大業於金甌調休徵於玉燭端在今日矣欽惟皇帝陛下乾旋坤轉雷動風行茂聖神文武之猷大正直平康之福念終始典於學遜志克邁禹湯於緝熙殫厥心峻德邁隆堯舜三推竟畝而兆協豐年百姓之敦龐淳固於是乎成六諭周閭而民知敬學一世之道德風俗繇此而正納簡牘於青蒲建鼓求言

孜孜乎黔黎入告日月照而宇宙清集論思于丹陛
闢門訪士欣欣然白駒來歸山澤通而風雲會允矣
哉憲天出治率祖攸行按六經而較德眇古昔而論
功矣乃猶進臣等於廷諷以養兵籌餉安內攘外之
畧上推洪範下暨漢唐遠追兵制之紛更近憂民生
之匱詘兼總兵食而歸重於屯政之修大哉王言疇
咨訪落之勤不是過也昔賈誼之陳言曰驗之往古
按之當今之務日夜念此至熟也蘇軾日上以名求
之下以實應之臣誦讀以來竊慕效昔人之忠非一

日矣皇上寤寐嘉猷延佇忠實雖草野無知敢不披
瀝血誠對揚萬一乎臣請得而詳言之易曰君子以
除戎器戒不虞未有去兵而可治者黃帝曰金城十
仞湯池百步帶甲千萬而無粟不能守也未有匱食
而可兵者周之制司徒授田司馬合卒伍而用之
上地家三人中地二家五人下地家二人以比追胥
以供田役以行師旅仲春辨旗物仲夏辨鼓鐸錫鏡
仲秋辨號名仲冬大閱教坐作進退農之外未嘗有
兵州長黨正卿大夫之外未嘗有將不煩召募而武

夫突騎已遍原野不事儲胥而委積倉廩已足餼糧周之兵制所繇稱無弊也噫嘻井田壞而天下之兵農判然久矣漢之法郡縣有踐更之卒京師有南北軍之屯嗣後開漠南平兩粵天下疾耕不足糧饟紡績不足衣裳而終漢之世不聞有議餉之憂者兵強而乘塞者無俟多人故也唐之府兵關中居其大半征行則給之以官散歸則自食其力蓋得井田之意居多而一壞於曠騎再壞於方鎮終宋之世兵聚不可復散故天下之食遂耗於兵而百年以支持之卒

成莫可如何之勢沿革得失之故始於兵未有不及于民者也洪惟我太祖高皇帝手握乾符廓清區夏締造之初首命康茂才屯種龍江繼敕五軍都督府以督兵屯糧兵農兼務又諭兵部曰屯田之政可以紓民力足兵食邊方之計莫善於此聖謨深遠駕漢軼唐比隆成周豈有間歟成祖文皇帝納黃福之請濟寧以北真定以南盡欲給牛廣種蠲賦墾土列聖相承偃兵日久寢失初意我皇上紹休而光大之謂宜丹冥投烽青徼釋警而兵制未釐內外交訌沿邊

百萬衆仰給東南之漕如故也練兵籌餉上厯睿慮
順治威嚴之道將安出歟臣愚以爲未有不練兵而
可云籌餉者也先臣于謙之練京軍團爲五營簡閱
操練具有成法而其疏末有云潔已愛軍以振士氣
捐軀効力以報國恩此豈非所謂實心任事之臣歟
今之制闔登壇者得是人而付之以兵汰老弱選精
銳非投石超距風鶴不驚者不以隸尺籍糜公帑也
夜戰相聞晝戰相識幕有鷹揚戰無首鼠一出而剿
寇再出而蕩平天下知兵之果足衛民也而後樂得

而餉之矣天下知餉兵之有時而止也而益樂得而
餉之矣此所謂目前之策也若夫算及久長効登殿
富充國行之金城棗祗行之許下杜預行之襄陽韓
重華行之振武今獨不可舉而釐飭之歟且古者井
田之制大率在中州西北之區原田疆理今猶昔也
豈昔之地可畫井而耕今之地必待漕而贍歟然則
屯政如何邊地之屯以餉軍也其道有三一曰倡力
耕之機昔郭子儀之屯河中也軍無見糧子儀乃自
耕一畝將吏隨之而汙菜盡闢士皆宿飽所謂機也

何陋堂集 卷之五 五
一曰定賞功之令虞集議屯沿海以百夫耕者名百夫之長以千夫萬夫耕者名千夫萬夫之長夫執耒操耜之安而不殊攝弓挾矢之賞未有不力作而前者也一曰廣世職之條世其田者職亦得而世之彼知上之不奪吾祿也而未有不督亞旅以勤南畝者也如是而塞下之金錢不仰內地矣內地之屯以富民也其道亦有三一曰優復業之人東南有可耕之人而無其地西北有可耕之地而無其人給牛種招流亡而計畝授之藏富於民可也需之數年而量徵其稅可也一曰行贖罪之法民之有罪者鬼薪以下視其田之所墾而差減之未有不願爲勤襁褓而願爲刻肌膚者也一曰設力田之科民有勤而能令于衆者進以胥史佐吏之爵衣食足而知禮節視納粟拜官必有間矣如是而民間之子粒卽同官帑矣鹽與屯相表裏也昔何以開中輸粟而邊無脫巾今何以溢額輸銀而上日告匱下農人之詔不如借商人之力尤便也屯與兵又相表裏也地墾而人聚人聚而兵多堅壁清野團集鄉勇可以減遠戍之勞可以

免勾補之苦曠土之率作卽緣邊之荷戈也皇上誠斷而行之擇人而專委之兵民兼舉安攘交修豈非億萬世長策哉抑臣伏讀聖制亟欲得實心任事之人而且拊髀于劉晏李抱真之流竊以爲天下未嘗乏人也欲其得人則莫若知人而已矣欲其知人則莫若泰交而已矣古有侍從五日輪對之法可考而行也皇上誠於充庭師濟中取其質良行美者時進玉堦方寸之地從容以觀其器詢問以盡其才孰可爲相孰可爲將孰可典軍興孰可治錢穀求之于心而天下之人材出矣又何屯政之不修兵政之不理乎臣草莽賤士不識忌諱于冒宸嚴不勝戰慄隕越之至臣謹對

論樞臣奪情入閣疏

翰林院編修臣趙謹奏爲綱嘗立萬世之經人才供一代之用懇乞聖明還樞臣之職以維名教講儲才之法以禁奪情事臣草茅賤儒世受國恩蒙皇上拔置上第授臣史職二載於茲感恩自勵中夜以思今時事多艱人情積玩外訏內寇餉匱兵單豈獨一時

諸臣才力不堪驅策哉良繇功名之計愈工而忠孝之性未至故也樞臣楊嗣昌墨綬蒞事拮据罔效荷皇上特達之知簡入綸扉使嗣昌而猶有人心者當念代言非金革之比累朝有糾正之條聖經賢訓昭布森嚴自應力辭新命矢報中樞廼讀其勉承恩命一疏計較於歲月久近之間絕無有哀痛惻怛之念遂儼然服緋到任聖人之言曰食稻衣錦於汝安乎臣於是歎嗣昌之胸無天倫日無清議而忍心害理舛悖一至此也伏誦聖祖六諭必先父母皇上初政首闡孝經在閭巷猶欲教以人倫豈端揆可先容其掃棄臣又考之祖制國初升六部尚書正二品以中書之事分隸之是今之尚書猶宰相也景廟之用于謙孝廟之用劉大夏倚毘親切未嘗以東閣處之蓋以六卿之職展布有餘名位未嘗不足故也今即使嗣昌而果才也司馬之堂儘堪報効何況紙上剿撫無救民生令下蠲輸坐傷國體業於封疆無補豈云幾務可叅將來幾務爲重必反謂封疆可卸徒以梯榮之計遂其卸擔之謀旣無以責嗣昌之成功又無

以作滿朝之忠孝臣所謂不如還樞臣之職以維名
教者此也然臣於是更有進者仰窺我皇上軫念時
艱求賢若渴不得已而破格用人奪情起復者實繇
人才缺少之故然臣以爲天下未嘗無才而皆向來
大臣不肯實心講求之過也夫無事不講儲才有事
輕言破格終身之職業未見他竒而一日之機緣已
蒙倖進此豈可謂用人無弊之道哉臣謬懷管見不
遑詳舉敢以一二爲皇上陳之今時事最急無過兵
餉屈指中外但得數十人而天下之事集矣督撫者

治兵之人也得其人以聽之本兵則鎮戎道將可次
第問也布政使者理財之人也近來視爲監司嘗秩
而不精求其選計無誤於此誠得其人以聽之司農
則屯鹽鼓鑄可覈實舉也凡此數十人者其始莫若
責之大察之保舉而又非泛然舉之也宜倣古周官
六計分其科目而辨論之如所謂廉而辨者理財之
選明而決者治兵之選是也得其人而衆皆曰賢付
之中外職掌可也得其人而不敢遽信其人則但置
之班行時賜接見敷奏明試深觀而熟察之嘗使所

儲之才多於所供之職又安用此縷經之夫宣勞王
事乎於是明著令甲永禁奪情綱嘗名教昭然白日
豈非大聖人立法超出尋嘗萬萬哉臣所謂亟應講
儲才之法以禁奪情者此也臣新進孤立何敢輕瀆
宸聽惟是結髮受書臣父隆美嘗教以臣之祖先臣
用賢當神祖初年輔臣張居正蔑倫起復臣祖慷慨
建言爲鄒元標諸臣之倡幾斃杖下腊其敗肉以示
子孫臣雖愚陋敢背家學而忘先訓乎如今者坐視
樞臣蒙面入直綱嘗掃地而囁嚅不言是上負堯舜

之主而下忝所生矣有臣如此將焉用之昧死陳愚
罪無可逭伏乞聖明垂照焉臣不勝隕越戰慄之至

奉旨回奏疏

原任翰林院編修降福建布政司簡較今丁憂臣趙
謹奏爲遵旨回奏事臣自蒙恩降補赴任閩海緣臣
父隆美久病淹困乞差歸省重罹閔痛臣父見背苦
塊踰年幽憂萬狀幸遇我皇上求才遷謫下部核議
該臣於四月二十日接得邸報吏部一本廢籍固有
可錄事奉聖旨本內陳子壯顧錫疇俱屬罪廢倪元

璠曾經論摘作何錄用還着確議奏奪項煜劉同升
趙士春降處原輕正欲懲抑造就會否洗心悔過着
他每自行回奏楊廷麟俟到部另議欽此欽遵臣謹
就家庭望闕叩頭恭謝聖恩訖伏念臣霑被休明已
經奕世臣祖用賢昔事神祖抗論忤權忠貞沒齒下
逮臣父疇昔曉夜教以事君洎臣濫竊遭逢筮仕館
職每一念至惟恐上負主恩下忝家學因而兢慄於
綱嘗遂致冒陳於愚戇幸寬斧鉞曲賜優容我皇上
澤及遺簪視同駑馬謂曾費翦拂於當年不忍長棄

捐於遠地甫塵薦牘遽荷矜憐祇讀明綸增榮草土
其爲感激可勝涕零臣竊思自古君臣之際惟愛望
之偏深故成全之倍至憐其無知懲抑罔非至教恐
其終棄造就更多苦心此真天眷之最優豈謂微臣
而得此臣又思人臣事君所不可移者忠孝之大節
所不可懈者敬共之小心節無時而可移放黜憂危
彌欲誓心於百折心無時而可懈東西南北但知引
咎於不遑臣之愚陋本無知識芻蕘入告心雖矢於
勿欺狂瞽招尤罪皆歸於自取載銜家恤慚負多端

大馬之戀結念明時肝腦之誠敢忘夙夜臣又伏窺
聖政表章六子編摹格言細旃廣廈日事就將率士
充庭共遵典訓臣獨何人仰辜造就求諸學問庶少
追於前愆殫勵身心尚勉圖於後報臣無任戰慄屏
營之至

保閒堂集卷第十五

